

ИВАН ВАВИЛИН

МУВЫІВ
КОДЗУВЪЯС



U. G. G. G.

ИВАН ВАВИЛИН

МУВЬИВ

КОДЗУВЪЯС

КЫВБУРЪЯС ДА ПОЭМА

КОМИ КНИЖНОЙ ИЗДАТЕЛЬСТВО
СЫКТЫВКАР · 1965

Иван Михайлович Вавилин

ЗЕМНЫЕ ЗВЕЗДЫ

стихотворения и поэма на коми языке

Художник *С. Холопов.*

Редактор *С. Морозов*
Корректор *Р. Соколова.*

Техн. редактор *А. Вишнева*
Худ. редактор *М. Безносков*

Сдано в набор 22/VI-1965 г. Подп. к печати—7/IX-65 г. 70×92¹/₃₂ =
1,0 бум. л., 2,34 печ. л. (Уч.-изд. л. 1,89) Тираж 2000 экз. Заказ № 3263
Цена 9 коп. Ц01253. Коми книжное издательство. Дом печати

г. Сыктывкар, Республиканская типография Управления по печати



МОРӨС ТЫРӨН ЛОЛАВ, ПАРМА

Морөс тырөн лолав, парма,
Югыз виис тэнсьыд вой.
Тэысь джуджыдөсь выль каръяс —
Збыльөн лоис мича мойд.

Тувсов войын быттьö ичмонь:
Лыяс пырыд тöдчö вем.
Партиясянь тöждлун вичмис,
Коді тырмас тэнад нэм.

Кöть и озырлуныд тэнад
Паськыд морөсад оз төр,
Мыйтöм сьöкыдсö ми венім,—
Тöдö öтнас пемыд вөр.

Коркö-й югыз шонді петіс,
Ыджыд шонді — гөрді Октябрь.
Ленин ставлы кисö сетіс,
Коді вöлі жеб да слаб.

Партияным ловсö пунктis,
Сывдiс нэмся кынсö тась:
Из шом пластъясыдкöд чуктiс
Миян шудлөн ыджыд пласт.

Няньтöм вояслысь тшыг вомсö
Тупкис озыр урожай.
Вёрным кывтö помтöг-помтöг,
Сöвмö, ёнмö Коми край.

Рочьяскöд ми кузь туй вуджим,
Тышын öтув кисьтiм вир.
Накöд талун кыпыд уджөн
Доръям Ленинлысь выль мир.

Ставсьыс партиялы слава,
Слава уна-уна нэм.
Дзордзав, миян том держава,
Ыджыд слава, ыджыд слава
Нэмъяс кезлö сиам тэн!

КУИМА КОДЗУВ

Кодзулыд, шуоны, уна.
Уна-ё ставыс — ог тёд.
Онi ме му вывтi муна,
Шызьёдны найёс ог мёд.

Уна созвездьяс эмось,
Шуоны, эм Орион.
Налы — коть помасяс нэмой —
Сетны ме ог сяммы дон.

Вөйпны, дерт, ог кут ме найёс,
Век жё вот, шуны кё сідз,
Югзьёмныс некор оз сайёд
Мувыв созвездьелыс мич.

Төдө созвездьесө тайёс,
Сьёлёмнас кылө став мир.
Миянлы шудлунсө вайё
Куима кодзувлөн дзирд.

Сійё пыр вильмөдө мусө,
Югыдлыс паськөдө от.
Куима кодзувнас шусьё:
Партия, Ленин, Народ.

СЪЕЗДЪЯСЛӨН ДВОРЕЦЫН

Тан воссис Партиялөн съезд.
И кыдзи первой делегатёс,
Быд гирысь кар, вөрпөвстса грезд
Ас думнас Сійёс лыддис татысь.

Да! Сійё тан. Ёд Сылөн мог
Став йёзёс Коммунизмё нуны.
Кыдз тэчны аски оланног,
Тшөтш колё Сылы кыв-мөд шуны.

Дыр видзөдіс зэв гөгөрбок
И быттьё ставлы кывмөн шуис:
Дас морта марксистскöй кружок
Со кутшөм вынөдз, другъяс, туис!

Йёз пөвстті ветлө Сылөн син,
Погона войтыр вылө дзоргö.
Ружьеа морт — Иван Шадрин
Эз пукав тан. А вөвлі коркö.

Не шадринъяс кö, кольöм кад
Эз воськовт татчөдз,— төдö Сійö,—
И космос венысь делегат
Мандат эз босьтлы аслас киö.

И Сійӧ тан съезд мунігчӧж
Пыр сетіс сьӧлӧм:— Сяммам, сяммам!
И примитіс став йӧзкӧд тшӧтш
КПСС-лысь выль Програма.

А сәсся Сійӧ нюмдіс сідз,
Выль сьӧкыдлунъяс быттьӧ веніс.
Тадз сӧмын нюмъявліс Ильич..
Да тайӧ жӧ ӧд вӧлі Ленин!

ЛЕНИНЛЫ ПАМЯТНИК

Вөвлөмтор

Уна мойдлісны тэныд да мен да,
Мойдъяс кывзігөн мытшасьліс лов...
Тайё, шуёны, абу легенда —
Прёста сьёлёмын ёнөдз оз ов.
Тайёс он вөтлы өдзөсьяс сайё,
Уна воёс көть колльодас кад,
Висьтсё йёз муысь вайис көть тайёс
Ыджыд вермёмөн локтысь салдат.
Немеч му вылын карьясыд уна,
Сёмын Эйслебен нэм чөж оз вун.
Сэтысь уна лун век кежлө мунас,—
Сёмын медьюгыд луныс оз мун.
Мирысь гаж бырлі не сёмын мортлөн —
Муыс чиктылө, нюмъялө ва.
Тайё карёдыс мөдөдчис гортлань
Биын ёнмём советскöй войска.
Йёзыс шензисны: рочыд пö ён на,
Аддзад, восьлалө кызди герой!?
Сэк жö дрөгмуні ставнас колонна,
Плöщадь пасьтала юрөбтіс:— Стой!
Кызкө виччысьтөг петкөдчис сәні

Бронза памятник. Ас муын кодъ.
 Постамент вылын сулалё Ленин,
 Ыджыд подвигсё доиъялё вождь.
 Эз ков сысянь ни миянсянь паспорт —
 Ота-мөднымөс тöдам öд ми!
 Дона Лениным медся на ас морт,
 Быд салдат миян — ас мулөн пи.
 Кисö öтисö суюöма зептас,
 Лэптöм мөд кисö увлань оз лэдз:
 Вот-вот, ещё на вылөджык лэптас —
 Дасьтысь кывзыны Ленинлысь речь!
 — Ноко, знамаяс копыртöй, ёртъяс!
 Тані сулалё медыджыд ёрт.
 Сійö миянөс вайöдіс мортас,
 Некор кувлытöм-бырлытöм морт...
 Думыс юраным сёйд, дерт, воліс:
 «Кызди Лениным петкөдчис тан?»
 Сэтчөс йөз пөвстысь медваров олысь
 Шуис:— Ленинөс аддзис Иван,
 Коді повтöг фашистьяслы паныд
 Петлöм тыш вылö, нуөдлөм кось.
 Сэсся ранитчöм ёна Иваныд —
 Мөд ног, дерт, сійөс пленад он босьт.
 Миян караным, гашкө-й, он төдöй,
 Вөлі көрт сывдан ыджыд завод.
 Мортыд вöйтöгыс вөлі сэн пөдö,
 Вөлі ютöгыс шатлалö, код.
 Кыз нö сьөлöмыд таысь оз топав,
 Кодыр грөз вывті ветлөдлө грөз?
 Шулім: пиянтö дорйы, Европа!
 Эм и немечьяс пөвстын бур йөз.
 Бур кө сьөлöмыд, юрид оз янав:
 Тайö тадзи и вөвлöма век.
 Тані мырсисны тшөтш англичана

И французяс, полякяс и чех.
Тані, караным, сывдлісны выльысь
Быд көрт торпыриг, пушкалысь шой.
Помся поездон став фронтяс вылысь
Найос вайисны быд лун, быд вой.
Отчюд Ванюшуд кыскаліс лунтыр
Мессершмидтясслысь чегъясьом борд.
«Онi мый шуан, вечиктөм гундыр?»—
Бордяс нуигөн шуліс том морт.
«Бура нөйтöны, сідзкө, фашистөс!
Сідзкө, делöным важ серти бур..
Бусөдз жугөдлөй, пазөдлөй, кисьтөй!
Татчө ваянтор медым эз сюр».
Сэсся мыччысис борд шойяс костысь
Бронза статуя... «Ленин! Ильич!»
Зонмөс төдлытөг йирмөгыс босьтис,
Сьөлөм некор на эз тіпкыв сідз.
Көть и синъясыс вөліны мудзөсь,
Наын югнитіс вөвлытөм би.
Пыр жö чукөстіс орчча французös:
— Ноко, матыстчыв татчө, Анри!
Сійö видзөдліс статуя вылө,
Сэсся Ванюшлань веськөдіс син.
Бөръя слог вылас личкөмөн сылөн
Кызкө аслыс ног артмис:— Ле-нин!
Быдөн төдісны Ленинös, быдөн:
Англичанин и чех, и поляк.
Көть и скөрлунныс дзебсьöма пыдö —
Коркө-й ортсысь на аддзылас враг!
«Бронза статуя гусялід, шышъяс!»—
Скөрлун Ванюшлысь вөлөн он ну.—
«Тіян киясысь Лениныд пышъяс,
Сылөн чужан му — Ыджыд роч му!»
Сэсся висьталіс кинас и кокнас:

— Сывдны статуя некыдз оз позь!
 Юриас пыркөдіг лагерса вокъяс,
 Быдөн шуисны:— Оз позь дай оз!..
 — Шнеллер! Өдйөджык! Мый сәні узяд?—
 Горзис мыш сайын стрөг часөвөй.
 Пленнөй аслыс моз ёрччыштіс кузя:
 «Некыт оз сотчы, некод оз вөй!»
 Ковмис Ленинөс пыртны заводө.
 Сәні, пытшкөсас постыс эз вөв.
 Мастер горөдіс:— Пөрйөдлад кодөс'
 Көртсө позис нин вайны сө пөв!
 Тайө немечыс, дзор юра Юнге,
 Мөдысь стрөжитіс:— Кыдзи нө тадз!—
 Дөзмөм гөлөсыс ыргөн моз брунгө,—
 Аддзад, уджавтөг сулалө пач?
 «Босьтны статуя видлас мед сөмын!—
 Водзвыв кабырсө гөрддзис Иван.—
 Кык юр өтиысь вөчас кө лөмыс—
 Сәки вөлисти делөсө пан!»
 Юнге матыстчис статуя дорө
 Дзоргис-видзөдіс, нинөм эз шу.
 Өдйө кыптывліс-лэччывліс морөс,
 Воши-сайкалі скөралан ру.
 Тадзи чужөмыс эз вежсьыв ньөтчыд.
 Сійөс татшөмнас некод оз төд.
 Розьөдз сотчалөм кепкасө пөрччис,
 Сэсся сулаліс сідзи здук-мөд.
 — Мый нө чуйминныд? Петкөдам дворө!
 Лоас ме ордын меддона гөсть...
 Ставлөн сөдзтысис синъясныс дорө
 Мыйкө югыдтор—шуда и пөсь.
 Кык во Ленинкөд орччөн сән оліс
 Сыөн радейтан медвына класс.
 Юнге сы дорө быд лун дзик воліс...

Сэссия-й кучкис Победалён час.
— Ёртъяс! Мёд войсё бурджыка шойччöй.
Тавой зэв ыджыд вöчантор эм...
Петіс Юнгекöд комын рабочöй.
— Аттö тiянлы! Помнита нэм.
Тувсов войыд кöть дженъыдсьыс-дженъыд,
Уджтö вöчысьлөн киыс оз пов.
Постамент вылö кыпöдчис Ленин,
Ставлысь ас бöрсьыс кыпöдiс лов.
Кисö öтисö сүйöма зептас,
Лэптöм мёд кисö увлаиь оз лэдз.
Вот-вот, ещö на вылöджык лэптас —
Дасьтысь кывзыны Ленинлысь речь!

АС МУ ЙЫЛЫСЬ

Важысянь нин сывсьё сідзи:
Чужан муыд абу ичинь,
Сылён борд улас и сыввяс —
Асшөр пиян, асшөр ныввяс.

Лэдзлөй мен, көть абу сшылысь,
Кыв-мөд шуны ас му йылысь.
Окота тшөтш йөзлы кывмөн
Ас му йылысь шуны кыв-мөд.

Ме өд сын быдтөм пи жö,
Паспорт выlö сідзи-й гижөм.
Чужанінöй — вöра керöс —
Ставнас пырö СССР-ö.

Сідзкө-й менам тшөтш жö пай эм
Кыв-мөдсö мед шуны тайöс,
Ас му йывсьыд — оз ков корөм —
Ставлөн аслас шуантор эм.

Рöдинабй ичөт дырйи
Менам вöвлі Лöкчим кырйын.
Кор нин тырис дас вит арöс —
Паськаліс тай Сыктивкарөдз.

Сэксаень чужан му век ыдждіс,
Петіс ортсö парма пытшкысь.
Сэсса-й коркö, öти кадö
Шылькнитчис нин Ленинградöдз.

Кодыр муні чим веж ягысь
Нöйтны Рöдиналысь врагöс,
Сэки помсö чужан мулысь
Аддзи Прут дорса Кагулысь.

Сэк жö чужанінсянь ылын
Сылысь бурлун выль ног кылі:
Верми кö, ме эськö сійöс
Босьті аслам сьölöм пиö.

Сійö-й ачыс абу кольччöм,
Кылö лов шыыс дзик орччöн:
Тшыг кö — мыйöнкö да вердас
Кынман — шонтас морöс бердас.

Огö, некор огö сійöс,
Огö сетöй лёк йöз киö!
Тöдам: няня степъяс миян,
Ылысса Курильскöй діяс,
Тшöтш и менам вöра керöс
Лоасны век СССР-өн!



Оз косьö пыр. Удж вöчны кийс лудö,
Весь олöм сылы — смертьысь мустöмтор,
Йöз кийсь нянь оз мырдды ни оз кор,
А юксьö ачыс эмторйöн и шудöн.

Быд гöстылы паныд ылысянь на петö,
Сы воигкежлö дасьтöма нянь-сов,
Да ещö эм бур сьölöм да пöсь лов,
Вот сöмын тшаплун енмыс абу сетöм.

Лöнь оласа, а, нинöм шуны, ён öд!
Эн локтöй некор лёкөн, лыйсигтыр.
Öд сэтшöмъяссö скöрмöм багатыр
Эз этшаöс нин аслас нэмын клёнöд.

Мед вөрöгъяслөн сьölöм лöгла измö:
Кор шондiа, не вöчны налы вой.
А менам тайö кывбурса герой
Оз видзöд бөрö, мунö коммунизмö.

И мунас! Венас бушков и рöспута!
Öд сылы тайö абу первой туй.
Кöть кутшöм палич кöлесаас суй,
Кызд шусьö, мунысь морттö этша кутан!
Да-й мунöсö оз кодкö öтка морт,
А вөрзис дзоньнас менам став народ.

КОЛЬӨМ ВОЛЫ

Ставлы өтдона он ло:
Мирын олёны миллионъяс.
Тэсё, кыдзи кёть он донъяв,—
Век жё вёлін зэв бур во.

Унзілыдла син эн тіль,
Быд лун вёлін яр да збодер.
Збыльысь, эг аддзыв тэ кодьёс,
Йёзысь-мортысь вёлін зіль.

Дзор историялысь пөс
Гырысь тшупёдъясён пасйин.
Йёзсыс оз ло яндзим аслыд,
Сё во мысти кёть бөр кос.

Дерт, не косавны нин тэд.
Сёмын кад кёть кыдз оз ылыст,
Некор, некор дзик тэ йыдысь
Лёк кыв шуысь тан оз пет.

СПУТНИКЪЯС

Шы ни төв приёмник дорын
Став семьяён олім сёрөдз.
Сэсса кылім: «У... у... у...
Кывзы менё, кывзы, Му!»
Нюмдіс пöльö: «Кылам, кылам.
Дзоля тöлысь, олан-вылан!»
Синмыс вазыштöма пöльлөн:
— Кызь во кыскалі ме гöльлун.
Сьöкыд, нем кö абу нопъяд!
Сиктса озыръяс да попъяс
Пычкылісны бөръя войтöдз.
Зептын шутьявліс лёк вой төв.
Шог да нартлун — кык лёк спутник —
Скупöсь! Нянь тортö оз юкны.
Дыр ме, пьян, ветлі накöд,
Дзикöдз топöдлісны пакöс.
Кольліс сöмын водны гортйö,
Сöмын аддзыси бур морткöд.
Мортыс сійö меным шуис:
«Абу тайö миян туйыс...»
Петім сыкöд мöд туй ыльö,
Коді нуö ылö-ылö!
Ставсö, мый ми вöчлім кийн,

Озыръяслысь мырддим сійӧс.
Тышын сыкӧд виим шогӧс,
Локтіс шудным — лоис вокӧн,
Тшӧктіс асьыс кисӧ кутны,
Ме пӧ тіян вечнӧй спутник...
Онӧ спутникъясным уна,
Ӧтвыв кодъяскӧд ми мунам.
— Стӧчджыка тэ висьтав, пӧльӧ,
Коді тайӧ мортыс вӧлі?
— Мыйӧн тӧда. Ним эз висьтав.
Шуис асьсӧ коммунистӧн.
Чайта, буретш сійӧ-й вӧлі,
Коді вӧчис дзоля тӧлысь.

МЫЙӦН МИ ВЫНАӦСЬ

Кодкӧ Раклӧн тропик весьтын
Овліс тшыг и овліс пестӧг —
Тышлысь бипур ськӧд пестім.

Тайӧ негр — медшоныдінас —
Тірзис, некытчӧ эз инась,
Лихорадка кӧсйис вины.

Коді негрлысь сӕйліс вынъяс
Нэмыс нартитчис, эз кынмав,
Сійӧс вӧтлім бипур тшыннас!

Мӧд со кодкӧ ветліс синтӧм.
Разим синъяс вывсьыс бинтсӧ —
Ӧтув веськыд туйсӧ индім!

Ас муыввса озыръясыс
Сійӧс пӧръявлісны дасысь,
На дор оліс мед быд часын.

Коді синмӧ койӧ буссӧ,
Сійӧс асьсӧ изам бусӧ —
Йӧзӧс нартитӧм мед кусӧ!

Коймөд — некор дзик эз нюмъёвт:
Сола ва, көть сё көш гумовт,
Сійö некор оз ло юмов.

Куба вывса сакар пуысь
Нэм чөж тадзи чайсö юис:
Сійöс кедзовтліс «ас муыс».

Онi видзöдлыны любö:
Озыръясысь мездмöм Куба
Важ моз чайсö оз ю дубöн.

Коді оз тöд тільсьöм-мырсьöм,
Чай мед юас тростник кырсьöн,
Йöз щöt весьтö зеп оз тырсьöд!

Коді ядсö көдзö мирö,
Йöзöс сёйны пиньсö йирö —
Тодмышкалам ми став мирөн!

Тырмас ыджыдавын сьöмөн.
Уджлы властьсö! Уджлы сöмын.
Вынным миян — öтувтчöмын!

МЕДЫЛІ КОДЗУЛӖДЗ

Му вылӖ, код тӖдас, лӗкысь-Ӗ, бурысь
Космосыд уна нин шыблавліс из.
Ӧні сэн сы мында зарниа вурыс —
Уна дас спутниклӖн котралан визь.

БыдӖн нин тӖдӖны: абу ми лӗк йӖз,
Оз дӖзмӖд миянӖс тӖлыся вой,
ЛюбӖ, кор радлӖны МунымлӖн вокъяс,
СыкӖд кор синмасьӖ космossa чой.

Ми пӖвстысь кодӖскӖ примитас ТӖлысь,
Ми пӖвстысь кодлыкӖ мойвиас шуд.
Серконым ТӖлысьтӖ увтывлӖ вӖлі —
Ас морт кӖ лоас сэн, увтны оз кут.

ПодӖн ми муртавлім кымын кузь вӖлӖк,
Ӧні машинанад — коскад оз сюй.
Тадзнад кӖ, вай жӖ планетаяс пӖлӖн
Медылі кодзулӖдз писькӖдам туй!

ВЫЛЬ ЭРАЛӨН ПЕРВОЙ ЛУН

Морт — космосын! Морт лэбб сәті!
Странаным стартсө сылы сетіс.
Быд кодзув восьтіс семафор:
Лэб, төвззы! Лэб, советскөй морт!

Ме шуда тшөтш! Ме дырйи муніс
Виль эра восьтысь тайö луныс,
Қор кодзувъяссиянь, кызд көть шу,
Қык пөв нин матын лои Му.

Көть космос оз төд пом ни, дор ни,
Ми сәсянь кылім төдса сёрни:
Сән медводз шыаліс роч кыв,
Роч мортлөн юргис сыланкыв.

И муö лэччытөдз на сійö
Быд мамлы лои дона пиөн,
И сылысь повтөмлун да сям
Оз вунөд нэм Отчизна-мам.

Быд сиктын кыліс, дзик быд карын:
Тэ миян зарни пи, Гагарин!
Но, таысь кындзи, шуам ми:
Тэ тшөтш Вселеннөйыслөн пи!

Став мирыс миллиардъяс киӧн
Ас думнас сывйыштліс тшӧтш сійӧс,
Сӧветскӧй мортсӧ, кодлӧн ним,
Яр кодзув моз жӧ, нэм оз сім!

КЫВБУРЛЫ

Кывбурёй, сойястё шенышт!
Тадзнад ёд шуасны тэныд:
Абу пё миянлы пёв,
Тэ кодъыд эз пё-й мед вёв.

Пет вай да йёзыскёд уджав!
Тёда ме, сосъяс кё пуджан,
Мортъямман пырысьтём-пыр,
Вынийёрён век лоан тыр

Уджалан — кётъ и он горав —
Унаёс кыскан ас дорад:
Уджалысь мортыд ёд, зон,
Медся на муса да ён.



Унджык бур вöчны горшась,
Татшöмторйыс öд бур.
Горшлунлы тасась горшас,
Век кeжлö вомсö вур.

Весь овны — ло пыр дышöн,
Таысь некод оз вид.
Ачyd, аддзан кö дышöс,
Дышлунсö пычöд, жмит.

Мöд вöсна ловнад вись тэ,
Татшöмыд — збыльысь морт.
Кодкö кö няргö висьтöг,
Нярлунсö биөн сот.

Дзуртö станокыд — мавт тэ,
Мавттöгыд тан оз позь.
Кодкö кö кывнас мавтö,
Мавтассö мырдды, босьт.

Лёкторйыс эм на уна,
Бус кодьöдз найöс из,
Медым верним ми шуны:
— Чолöм тэд, Коммунизм!

ОТ С Ö Г

Лыдди ді вылысь кызь кöчöс.
Аслам сьöлöмöй мый вöчö!
Дыс еджыд, быттьö лым,
Сöмын лыйлы — гым да гым!
Онью Микул кö, кызь кöчысь
Кызь дворец, дерт, эськö «вöчис».
Ме эг лэпты сэтшöм шум —
Юрын вöлі дзик мöд дум.
Ставнысö ме пыжö лöді,
Шуи:— Эн нин йöрмöй мöдысь!
Кыла энэлы шöпкö ай:
— Тайö абу-ö Мазай?
— Синтöммöмыд тай нö, трустö!
Мортыс тоштöм, весиг устöм...
Воим расö.
— Кöчьяс, чеччöй!
Ручлы, кöинлы эн сетчöй.
Йöрмöм войтырлы быд часö
Сетны отсöгтö ми дасьöсь.



Строй бõрся вoсьлалiс кoмбат
И нюмъялiгтыр шуис сiйõ:
— Кoд быдтõ мe мoз, кутшõм батъ,
Сы мында мамлысь дoна пiõс?

Пыр вoдзõ мунõ батальон,
Сы улын сыркакылõ муыс.
Эк, нывъяс, тõданныд-õ, он,
Тан тiян кымын верõспуыс?

И бара нюмдiс кoмандир:
«Ён, зумыд, дружнõй миян вoськов!
Но медся дoнаторйыс мир
И кутам овны пиньтõг-кoсьтõг».



Эжва дорё бара лэччи
Йи кылаландор.
Төв пё тулыслы оз сетчы,
Налён мунё спор.

Аддзис менё — збоймис тулыс.
Другъяс сукёд ми!
Кыксыд повзис төв и куліс,
Мёдіс кывтны йи.

Мукёдъяскёд мем, том зонлы,
Сюрліс кёдзыдтор!
Йиас пёвстті корсьны Донлысь
Мёдар берег дор.

Кымын юысь йиас жуглім
Врагёс вётліг ми!
Сы пыдди жё уна друглысь
Кутлім шоньд ки.

Кёні другъяс, кёні тулыс —
Йиысь морт оз пов.
Некор васё мирной юлысь
Гудыртны оз ков!



Мудзлан, бой бёрын өшөдлан юртö,
Ёртыд төждысьö:— Перйышт вай нуртö!
Сэк жö локтас «Катюшакöд» Блантер —
Роктö помавтöг эновтан паньтö.

Сывны босьтчан, а сыланкыв орö,
Бара төвзян орудие дорö.
Тэнö могыд кө чуксалö бойö,
Кутшöм сьылöм нин, кутшöм нин сёйöм!

«Сылан миянысь некор оз кольччы,—
Думсьыс нюмъялö том миномётчик.—
Со тай ачыс «Катюшаным», кылö,
Гу выв сыланкыв врагъяслы сьылö!»

Тайö колис нин уна во сайö,
Лиbö мыйла нö казътивны тайös?
Мед не помавтöг сыланös кольны,
Тшöктö сьёлöмöй та йылысь дольны.

СИКТӢ ВОИСНЫ НӢЛЬ ЗОН

СиктӢ воисны нӢль зон:
БыдӢн аслас частьясысь.
БыдӢн мича, быдӢн ён,
СтавлӢн лӢсьыд статьясныс.

Вот и бӢрйы, код медбур,
Коді медся удалыс!
СэтшӢмыд, дерт, мен оз сюр,
Сюрас ыджыд шудалы!

МыйӢн лӢк артиллерист?
СӢмын вывті кузьджык тай!
Сюсьнас сюсь, но том танкист,
ГашкӢ-й, сысь сюсьджык на?

НекодсӢ эг слӢймы... Эк!
Мый бара ме кери-а?
БыттьӢ збыльысь вошті сӢк
Танк да-й артиллерия.

Эз мен вичмы и матрос
МорскӢй сола ва кӢрнас.
МӢд ныв дінӢ, сиргаг моз,
ДомасьӢма якӢрнас.

Том связисткѡд кольѡм рыт
Орѡдісны йитѡдѡс.
Сідзкѡ, меным лоѡ быть
Виччысьлыны витѡдѡс.

КИЯС ЙЫЛЫСЬ

Сэтшөм нин му вылын олөмным миян:
Унаысь ковмывлө кутлыны кияс.
Отылысь мудзтөдзыд тракөдан — дыр,
Мөдлысь жө босьтлан, и эновтан пыр.

Быд сикас кияс на эмось, зон, другьяс,
Отияс — дорёны тракторлы плугьяс;
Мөдьяс — оз бергөдны мөдарө жель;
Коймөдьяс — кузь лунтыр гудйёны пель.

Отилөн кияс виль керкаяс лэптө,
Мөдлөн со тэрмасьö пырны йөз зептө.
Мый сэтшөм кисьыд, көть сійө-й и кузь,
Некор кө удж вылын оз төдлы мудз?

Этша зэв мукөдлөн артмө ки помысь,
Сэтшөмлөн ки пыдди мудзлывлө вомыс.
Коді жө нэм чөжыс уджалө чөв,
Сійö и миянлы дона сё пөв!

Му вылын тайөс ме быдөнлы сиа:
Киö эз сюрны мед удж төдтөм кияс

ТУВСОВЪЯ

Гулысын гажтӧм уджтӧг,
Мыркигӧн — шог оз сулы.
Ар кезлӧ шудсӧ чужтӧ
Мунымлы миян тулыс.

Весь сійӧс он тай пукӧд,
Сьӧкыдысь оз куж повны.
Этатшӧм кыпыд здукӧ
Верман мӧй уджтӧг овны?

Аддзанныд, пашкыр ягыс
Гоньгӧдіс вывлань юрсӧ.
Морт киын — тэрыб багыр.
Бисерӧн чардби вурсӧ

Муркӧдчӧ Сыктыв юным,
Радысла сьӧртыс бӧрдӧ.
Кылӧдчысь — нинӧм шуны —
Дышлунла оз жӧ гӧрдӧд.

Ыб вомӧн трактор варччӧ,
Шӧралӧ быттӧ кӧрыш.
Ӧні нин кылӧ татчӧдз
Няньыслӧн чӧскыд кӧрыс.

ШОНЫД ЗЭР



Струнаяс зэвтис шоныд зэр:
Көть ворсöмыс оз чуймод пельтö,
Ми зэрöс таысь огö эльтöй...
Мед мувыв быдмöгыс эз кельдöд,
Тэ прысьйы, ворс да буртор кер,
Лун мусянь воём шоныд зэр!

Ми дыр нин дзоргим енэжлань,
И виччысьöмла вöлим мудзöсь.
А воин кө, пöсь мусö судзöд,
Оз усь мед шогö буссьöм рудзög,
Мед быдся пуктас, быдся нянь
Том ичмонь моз жö кисьмас шань!

Со весиг менам дзоля пи
Тшöтш радлö, тэныд кекöначö,
Ва гöпьяс вомөн ветлö скачөн,
Сы гögör ваыс резсьö-качö,
Но чиршöдлыны оз лыб ки,—
Бур зэрлы ставөн радöсь ми!

Му дуньгис-юис рушку тыр,
Эз кольны пайтög яг ни егыр.

Дзонь час чөж кисьтіс. Сэсся регыд
Ю весьтö сизим рöма мегыр
Тан кусыньтіс, вын видлігтыр,
Яр шонді, югыд багатыр.

И ньöжмыд воськовъясöн зэр
Ас кокнас вуджис мöдлапöлö
Да джуджыд парма вылö сöліс.
А мулön бурмис ыджыд сьöлöм
И сійö шуис:— Аттьö, зэр,
Тэ быдлаын тадз буртор кер!

ЕЩО ТАРАС ЙЫЛЫСЬ

Өні Даньдор сиктөд рытыд
Оз төд прөйдитнысö кыті:
Югыд чутьяс сюръя йылын
Сёөн вильшасьöны сылы.

Войдөр, рыт кор таті мунліс,
Йөзөс личкыліс нин унмыс.
Быттьö мөд йөз танось өні —
Весиг войын лыддысьöны.

Талун важмөм төлысь-пыдөс
Сюрсö дзебöма зэв пыдö.
Сійö ассьыс эзысь гыррдза
Войшөр бöрын сöмын мыччас.

Тарас гозъя, пиыс, моньыс
Вунөдöмны рытъя оньыш,
Варов сёрнинаныс найö
Каттьысьöны төлысь сайö.

— Варук, кылан тэ, бур мортöй,
Мыйла ме эг мун курортö?
Кута мунны сэтшöм ылö,
Матынджык кор төлысь вылö.

Буретш тайö сёрни кості
Кодкө кайис кильчө пості.
Пырис Демид — дедлөн вокыс.
Тарас шуис: — Локыв, локыв!

Кыдз нин овлан, мый нин бурыс?
Торфтö ньöжйö перъян нюрысь!
Демид пойгö:— Сёйис рөкыс...
Сэні, Тарас, зэв мен сьöкыд.

— Тэ и ачыд абу кокньыд.
Бур, мый кадын слöймин локны!
Вот-вот виччыся ракета,
Мыйöн воас — туйö петам.

Тан тэ сьöкыдыдла кулан,
Часлы, тöлысь вылөдз нула.
Кыдзи висьталісны меным,
Қвайт пөв кокнямман тэ сэні.

Весь пö, шуан, пöсьöй лэччö...
Энлы, энлы, волан сэтчö,
Оз кут тан моз пуны гыркыд,
Сэн пö, вокöй, вывті ыркыд!

Демид, кылö, ружöктылö,
Қиыс дрöжжитö нин сылөн:
«Тарас кытчö көсьяс, шуас,
Он мын, сэтчö-й морттö нуас!»

Дөзмис Варук:— Ёна сөр сэн!
Кыдз нö көсьян локны бöрсö?
Пыжтөг он во мөдлапöлжсь,
Төдан кө өд — сійö тöлысь!

— Нырад тшуп, эн вунөд тайöс,
Сюзь Матвей кө лэччис райысь,

Тарас вёсна нинѳм повны,
Абу йѳй — сэн ог кут овны!

Кор ме вѳрзя тѳлысь вывсянь,
Вѳлі ломтѳма мед пывсян!
Рѳд ог пѳрѳясь — ме кѳ шуи,
Некор дзик ог янсав муысь.

Ставлѳн киссис гылыд серам,
Демид ѳтнасѳн эз серав.
Быдсѳн йирмѳг лои сылы,
Кѳть эз вѳв на тѳлысь вылын.

КЫВЗЫ, ГОЖӨМ-ГОЖӨМӨЙ...

Кывзы, гожөм-гожөмөй,
Сирзьөд вөрса пожөмөс.
Нылөс, зонмөс кисьмөд тэ,
Сөмын сьөлөм висьмөдтөг.

Гожөм, гожөм! Кылан-ө?
Ышөд муса ныланөс,
Медым турун пуктігөн
Быд лун садьмис югдігөн.

Төда, вөтнас, вемөснас
Төждысьө пыр ме вөсна.
Висьтав сылы: Армия
Ставсьыс медся яр миян.

Туйсө ог сет войналы,
Мед не лоны шойналы.
Вөрөг вылө лёкала,
Нылөс тасянь окала.

Сьөлөм бурмө со мыйөн:
Эм өд менам Комиын
Дышлысь боксө джижалысь,
Юөръяс мем гижалысь.

Менам кисьмысь озъянһой,
Тода, юрӧс оз янӧд.
Виччысь тшӧтш тэ, гожӧмӧй,
Кӧлысьным оз ло жӧ мӧй?

Лоас, лоас! Виччысь тэ.
Дерт, оз артмы виччысьтӧг.
Кодыр кутам гӧтрасьны,
Гожӧм, ёна пӧртмась тэ!

Кывзы, кывзы, гожӧмӧй,
Сирзьӧд вӧрса пожӧмӧс.
Нылӧс, зонмӧс кисьмӧд тэ,
Сӧмын сьӧлӧм висьмӧдтӧг.



Недель нёрыс йылын
Виччыся ме нылёс:
Карысь курсъяс вылысь
Воан кад нин сылён.
Туис-ямис куръя,
Кывтіс кымын пуръя!
Ме тай нёрыс йылын,
Бытьё ловъя сюръя.

Мися, он на пышъяв!
Зептын — козин чышъян.
Карса вылё ыштан,
Коркё асьтё мыждан.
Куё эг кут тёрны,
Колё муяс гёрны,
Ышнясь, мися, ышнясь,—
Ок, и ёна скорми!

Кайи муяс вылё,
Трактор мырсьё, кылё,
Видзёда — сэн нылёй...
Эштис олём-вылём!

Синмас лӧглун сотчӧ,
Эз сувт мекӧд орччӧн.
Кӧть мед мусюр йылӧдз
Вӧтча, ог ме кольччы.

ПАМЕТЬЫС БУР

Батьыс Петровналы шуӧ:
— Зэрис дыр нин, ваыс туйӧ.
Пыжтӧ эськӧ мед оз кылӧд,
Видзӧдлывлы пыжыд вылӧ.

Первой пажнайтыштам ӧні,
Ноко, йӧв тунсыд кӧні?..
Визув паныдыд кызь версттӧ
Катан да — кӧть эськӧ-й верстьӧ —

Быть на перйы кынӧм нуртӧ,
Сӧйтӧг кузь туйтӧ он муртав.
Топыдакодъ сӧйӧм бӧрын
Батьыс горӧдіс зэв скӧрысь:


— Кылалӧма тай нӧ пыжыд!
Петыр нюмдіс:— Ок тэ, выжыв.
Пыжыд (валы он вӧч иган)
Кылаліс нин пажнайтігад.

ШОНДІНӨД СЁРНИ

Войнадырсяысь


Садьмис ставсьыс водз наводчик,
Шутлив зон — Иван Смирнов.
— Бара,— шуё,— час-мөд шойччи,
Важкодь лои ён, здоров!
Сэк жё плешсё мыччис Шонді.
— А-а!— шыасис Смирнов.—
Мый нё, петны кө нин пондін,
Пет вай смелджыка, эн пов!
Эн пов, Абу ме зенитчик.
Мый сідз дзорган, эн мөй төд?
Мый сідз му бердас тэ жмитчан?
Волю, висьтала кыв-мөд.
Мый ме шуа, сійё только
Миян костын коляс мед.
Лок служитны миян полкё,
Уджыс тшөтш и вичмас тэд.
Тэысь бур корректировщик
Некысь му вылысь оз сюр
Тэ нин аддзан көн да корджык
Врагъяс кыпөдасны юр.
Оз ков тэд бинокль ни карта,
Ки пыдөсын моз став мир.
Дыр он корсьысь, дыр он артась —

Төдса быд ориентир.
Сөмын мигнит: «Цельыс со пö!»—
Лэптас юрсö пушка ствол.
Сэки враглөн любöй ДЗОТ-ö
Тэкöд кутам суюны «гол».
И войнасö сюям гуö.
Збыль ме шуа — сійö факт!
Тэ он верит, көнкö, шуан:
«Вот пö тайö и чудак!»
Ак, кыз торкисны Иванöс!
Батареяын подъём.
Нель-вит пушка враглы паныд
Жергöдісны пиньтöм вом.
И наводчик тэрыб киён
Öдйö бергöдліс прицел:
«О-о!— аслыс кайтіс сійö,—
Тайö Шонді индіс цель!»



ЭЛЕГΙΑ

(поэма)



Мустом важ мирыс эз нин чиктив,
Дась нянь сёйысылон чеги пинь,
Сэк жö Войвывса öти сиктын
Öзйис виль мортлön кодзув кинь.
Мортлön олöмыс көть и джуджыд,
Овлö гудыр и овлö сөдз.
Овны-вывны кө, пиöй, чужин,
Быть ов. Шудтö көть «нуас көч».
Кодкö горзö мем:— Збоя лöлав!
Тэ, зон, абу-ö пессимист!..
Другöй, весьшөрö водзвыв полан,
Чайтан шуштöм зэв лоас висът.
Мукöд мортыс тай олö-вылö;
Тэ кө юалан, шудыс көн,
Тешкодъ воча кыв чуктас сылön:
— Сыкöд янсалі, пиöй, тön.
Коді Войвылын чужысь пиыс,
Тöдны көсьян кө, мунам, лок!
Мортыс шуда көть шудтöм — сійöс
Кутан радейтны, муса вок.

Онi вензыны абу кадыс,
Талун быдөнлы шудсö си.
Ачыс дявöлыс петöм адысь,
Мусö нылыштас, он кö ви.

Муным öзйöма, ваным пуö.
Унджык повтöмлун сьöрсьыд босьт!
Сэтчö мяннöс туйыс нуö,
Көнi вöвлытöм ыджыд кось.
Эм öд Вой море и Лун море.
Костныс ыджыд-ö, тöдан он?
Öти моресянь мöдыс дорöдз
Мулөн вежтасыс донсьыс-дон.
Сэтчö нюждöчöм биа сикötш,
Кодлөн моль пыдди — сотчысь кар.
Гожöм янсöдиc мамöс пикöд,
Локны зонмысла сёрмис ар.
Кылан? Кок улад муыс вөрö,
Прыссьö свинеча, кёрта зэр.
Горзö сьöлöмыд:— Пөрöд, пөрöд!
Медым чергысяс вельмöм зверь.
Кöть и сьöлалö биыс биыс,
Кёртлы паныдөн шковгö кёрт,—
Кодкö пласькысис мян пиысь...
Коньөр мамъяслы быть на бёрд!
Кодкö кыпöдчö, кодкö водö.
Сöмын аддзöны Львов и Брест,
Кыдзи быд часын содö-й и содö
Пеж фашистьяслөн гу выв крест.
Морт мöй лыйсьысьыс эз коль мян?
Көн пехотаным? Көнi ДОТ?
Онi öшöдан-лэдзан кияс —
Страклы кабырас шедас морт.
Фронтлөн визьыс öд рытыввылын.
Онi-й лунвывсянь — йирк да йирк!

«Кодлөн пушкаыс? Миян? Сылөн?» —
Чуймис-думыштчис командир.
Миномётчикъяс. Йöзыс китыр.
Зэлöд сідзи нин зэвтчöм сөн!
Оз сод йöзыс, көть лыдды витысь —
Вөрöг оз лыддысь тайөн скöнь!
Мед но! На пиысь быдөн би!
Накөд жö вöлі-й тöдтöм ни,
Коді Войвылын чужис, сиктын,
Кодыр важ мирыс эз нин чиктив.
Но и ниа жö! Но и мыгөр!
Полкысь сэтшöмыс оз сюр мөд.
Öткөн вермасьны көсьян сыкөд —
Вынтö кык пöвстав: сідзи-й тöд!
— Босьтан кык мортöс, ветлан сылань,—
Индіс «ниалы» командир,—
Кодъяс сэтөнöсь. Сöмын, кылан?
Ковтöг эн вошты ним ни вир.
— Дзик пыр мөдöдчам. Ассянь шуа:
Ме нин воштылі ассьым ним...
— Чөрту! Сёрнисö тайöс гуав,
Туйтöм көртсö мед сёяс сім!
Зонмыс думыштчис: «Гашкө-й тадзи,
Мыйла парсавны косьмöм лөм?
Сійö гылалас тані ачыс...
Век көть киссьытöм гачтö дөм!»
Нель верст сайын пö Ыджыд хутор.
«Ыджыд хуторыд уна эм!
Збыль мöй батьöлысь мырддьöм мутор
Талун таявны ковмас мем?
Гашкө-й бать муöй абу татөн,
Мыйөн тöдан öд — гашкө-й тан?
Ыджыд хуторысь менсьым батьöс
Коркө вөтлылөм озыр пан.
Панöс олöмыс виис-ёрис,

Вужнас нетшыштис йӧнмӧс моз.
Дыр мысьт дзордзавны босьтчис «Дзоридз» —
Гӧль крестьяналӧн выль колхоз.
Сьӧкыд лолавны. Жарыс пӧдтӧ.
Лыдды, нӧылӧмлӧн кымын визь!
Сёныс тӧдса и быттӧ тӧдтӧм
Быттӧ сідзи и абу сідз.
Зонным личӧдіс зэлыд тасма,
Синнас мурталіс джуджыд кыр.
Со и мельнича бордъя паснас
Варччӧ паныдӧн сынӧд пыр.
Да и креж йылын сыкӧд орччӧн
Чардӧн тшӧтшӧдӧм дубыс эм.
— Ёртъяс, зільджыка, энӧ кольччӧй!
Оз на татӧні помась нэм...
Аслыс шӧпкӧдіс: «Тайӧ, тайӧ!
Тані батьӧлӧн овліс вок.
Батькӧд гӧститлім квайт во сайын...
Ӧні — мӧд могӧн вайис кок.
Гашкӧ, йӧз муысь воӧм панъяс
Татысь аддзасны шоныд поз?
Кортӧм гӧстьяслысь мырдям паньяс —
Оз ло найӧ ног! Некор оз!»
Мортлысь, прӧста ӧд огӧ шулӧ,
Ас му радейтӧм враг оз гу.
Зонмыс копыртчис улӧдз-улӧдз,
Сэсся окаліс батьлысь му...
«Рытнас — хуторӧ. Кодъяс сәнӧсь?
Гашкӧ, миян йӧз? Гашкӧ-й, враг?
Сән кӧ вӧрӧгъяс — воам венӧ...
Отсав, ылысса веж-веж яг!»
Меддор хатаяс дорӧ воиг
Лӧньсӧ косяліс чирзысь порсь.
Кодкӧ ловйӧннас быттӧ сӧйӧ,
Быттӧ вундӧны сылысь горш...

Аддзад? Видзёдлөй, ноко, сылань!
 Порсьыд оз на тай прёста дзурт.
 Фриц тай горшасьö — пакас сылы,
 Гидысь петкөдiг, зарскис пурт.
 Старшöй шöпнитiс кыкнан ёртлы:
 — Порсьö нуанныд. Йöзыс — тшыг.
 Месö фрицыслысь лыддя ордлы,
 Оз-ö порсьыс моз лэдзышт быг.
 Шунс — вöчыштiс. Пудъя тукман
 Пыр жö кольмөдiс фрицлысь юр.
 «Öнi шыд-рокыд тэнад сукмас,
 Ок и ужыныд лоас бур!»
 — Збодер, öтнадөн фрицö нуан?
 — Частьö воам да, юась сэн.
 Нинöм абусö мыйкö шуан —
 Мөдöс та кодсьö вайöй мен..
 Кымын серпас на локтö-сүйсьö!
 Тырмас! Тэрмөдлө кыа-чой.
 Куим повтöмлысь локтан туйсьö
 Ставнас нылыштiс пемыд вой.
 Старшöй юөртiс командирлы:
 — Воим. Прöмысным миян — кык.
 Фрицкөд оз лөсяв сöмын вирным —
 Кывтöм. Тыдалö, кын «язык»..
 Регыд лыддьысьысь, чайта, шуас:
 — Зонлысь олан туй восьтан он?
 Муным паськыд зэв — быть öд юась,
 Миян татшöмыс кымын зон!
 Талөн батьсянныс овыс — Одер.
 Зонлы некутшöм ов оз ков.
 Пыр тай горзöны:— Збодер! Збодер!
 Мый нö? Лöсялö. Морт — оз пов.
 Танi батыслөн чужан муыс,
 Украинаса няня му.
 Öнi кольöма лыыс-куыс —

Татчө ёрсянкыв кыз он шу!
Мамыс — Комиысь. Сэні-й чужліс,
Көні лөзалө парма-вөр.
Көрсө тöдмавліс сьöкыд уджлысь,
Талун — олöмыс бара скөр.

Кодыр Рöдина ассьыд доръян,
Дугдö висьöмысь важъя дой,
Весиг чусмöны гырысьторъяс —
Врагöс лөкшитан лун и вой.
Быттö сотчöма важыс — шом нин,
Гашкө-й пöимыс оз нин сюр?
Сöмын эн вунöд, тайöс помнит:
Медлөк көиныс мед оз пур.
Сэк жö öти мөвп кортöг пырö,
Көть и вöтлылан — он на мын:
Мыйла миянöс вөрöг зырö,
Збыль мöй ми дорысь унджык вын?
Тайö мөвпыс жö кыскö мөдöс:
Эз мöй синсьыным петав би?
Вояс эз вöвны миян сьöдöсь...
Збыль мöй кодлөнкө торкліс ки?
Морттö, пескöс моз, дерт, он поткөд,
Оз тай öтиысь артмы кык.
Сідзкө, мыйла нö мөд морт кодкө
Олö сы пытшкын, панö зык?
Он көть көсйы да, быть тай ыдъясь:
Мортыс вöлі кор томсьыс том,
Горшас сатшлісны чорыд кыдъяс —
Он тай лөк йöзлысь тупкы вом.
Эз мöй радейтны зонмыс босьтчыв?
Эз мöй кыв водзын вежавидз?
Тувсов дзоридз моз сьöлөм воссис —
Тайö важысянь вöвлөм сідз.
Муслун! Донай! Донав, донав!

Олём дыш вёв моз мед оз дуд.
Кутам кывны ми уна во на:
— Тэныд, радейтчём, ыджыд шуд!
Энлөй! Кык костё суюсьё коймөд,
Вылын ныра зэв — тшапсьыс-тшап:
«Одер, сулавлы! Дойман, дойман!
Тэнсьыд ректам ми книга шкап...» —
Гусьён грөзитчис Елесь Васька,—
«Муса» Капаыд тэд оз шед.
Водзё Одерлөн рөд оз паськав —
Регыд петкөдла тайёс тэд». —
Васька пасьтасьё важсьыс тшапа —
Өтнас оз казав тайёс ныв.
Да и пельтөммис миян Капа,
Оз кыв Васькалысь «мелі» кыв.
Нылыс ышмөмла войт эз вирдав,
Зонъяс бөрся эз котрав син.
Елесь Васькаыд вөлі сир гаг,
Кыдзи шуласны, сирлөн пинь.
Артмис куима пельёс — ёсь:
Тадзи радейтчём частё дурлө,
Восьсөн, тупкөсөн пестё кось,
Томъяс пыдди сэк узылө юрлөс.
Со и сёрнияс:— Тешкодтор!
Пёрысь Одерыс, чайтад, коді?
Сійё сулавлём белөй дор!
— Ыджыд дивө тай! Вот и, вот и...
— Пиыс сэтшөм жö. Важлань синö.
Сылөн книга эм — сьöдсьыс-сьöд.
Книга гижысьсö пемыдинö
Важөн йөртөм нин. Оз кө төд!
Да öд төдö и век жö лыддьö.
— Мый нö видзöдад, онö мырддьöй?
— Комсомольцылөн секретарь!
Медся ыджыд и медся яр.

Мишсö тöдан тэ? Купеч пи!
Отнас примитіс комсомолö.
Колö көртавы сылысь ки,
Пемыд чуланö йöртны колö!..
Быдся дивöйс тöрас лöжад!
Бытьö мойдвывса вöв — дай пом.
Зарни бурыся, эзысь бöжа.
Оз шед кутнысö — эн корсь дом.
Кылан, суклясьысь? Тырмас сөрны.
Потан-пасьмунан, тыртöм тшан!
Пöрысь Одерыд кужліс гөрны,
Сійöс судитліс озыр пан.
Комын во сайын воис ссылнöй,
Кодöс примитіс Чоййыв грезд.
Тані көсйöмыс сылөн збыльмис,
Тані гöль йöзкөд перйис мезд...
Томджык Одерлы ковмис мунны.
Дас пöв көдзыдджык вöлі тöv.
Збыль мöй томлунлы йирö сунны?
Ак тэ, суклясьöм! Чöрт кок пöv!..
Гоз-мөд строчкаөн, көть и көсьян,
Нель во муртавы оз тай позы!
Но и тэнад тшöтш шудыд öзъяс,
Морт кө эновтö мустöм поз.
Кодкö Одерлы, кылö, шуис:
— Прöста көрпитін. Ачыд йöй.
Мездмин. Тэ водзын восьса туйыс,
Мун да, вөрөгöс пөттөдз нöйт.
Бара ордымыс эз ну гортас,
Ылын тыдаліс биа туй.
Петіс талявы сылысь сёртас,
Весиг питшöгас нянь эз сүй.
Асьныс петісны клятва кывъяс:
— Дона Комийö, чужан яг!
Смертьыс босьтас көть көдзыд сывъяс,

Тэнö, Рöдина, оз вен враг.
Статя пожöмъяс, чим веж козъяс,
Кылан, дзор юра ниа-пöч?
Мед оз шогсыны пöрысь гозъя,
Ог нин ай-мамлы шогсö вöч.

Ыджыд фронт вылын ыджыд страдна.
Пыр на косасö кеслö смерть.
Мед кöть шойяссиянь петысь яднас
Аслыд джагавны ковмас тэд!
Огö ен нимсянь вöзйö тайöс,
Оз лок фронт вылö полысь ен.
Мöдар югыдö ог жö кайö —
Тадзнад вөрöгöс он и вен!
Бара сёлаті поті сынöd.
Ставыс крöшитчö — из и кöрт.
Недруг вальмалö-локтö вынөн,
Чорыд броняö дзебсьöм чöрт.
Коркö-й потласяс уклад кучик,
Коркö-й ставсьыс на мынтас дон!
Видзöd, видзöдлы! Подйыс судзис —
Аслас шойясөн посйис сён.
Кодкö тыдавтöм удал киөн,
Быттьö личöдіс фронтлысь вöнь.
Шуштöм, сьöкыд дум тэнö виö:
Мыйла гөгöрбок чöv да лöнь?
Мортыд быдлаын мортөн кольö,
Думыд быттьöкö сира гез.
Одер мыссыны лэччö ёльö,
Сувтö син водзас Чоййыв грезд.
Первой муслуныс «кувсис» лёка.
Сылысь томлунсö дзугис Вась.
«Гашкö-й сьöлöмыс сёлөн кокас?
Дерт нин — мортös кö сёйны дась!»
Бöрдтöм кага кодь вöлі авъя

Тайö виччысьтөг лөньом здук:
 «Чужан муад кодь ыркыд давъяс,—
 Сійö шөпкөдіс,— пукышт, друг».
 Одер пукалө асшөр думөн:
 Көнкө багы-мамыс, тані — пи.
 Кильлань гартыштчө еджыд суюмод —
 Он өд ас йөзлы лектор си.
 «Төда, бергөдчас рытыв төлыс,
 Тэныд бушковыс кучкас, враг!
 Миян төв йылын, кыдзи-й вөлі,
 Кутас шпоргыны чим гөрд флаг».
 Рытнас, немвөчиг, көть и сёр нин,
 Кодыр дубалі лунся мудз,
 Ёрта-ёрт костын панөм сёрни,
 Рытъя вуджөрысь вөлі кузь.
 Кодкө шыасис:— Кылан, Збодер?
 Аслад олөмысь мыйкө мойд.
 Одер ышловзис: «Челядь кодь өд!
 Көть нин этадзсө тэ эн дойд».
 — Тшөктам! Висьталышт! Тшөктам, тшөктам!
 Мыйла пыксыны тэныд тадз?
 Одер кыпөдліс ассьыс сьökта:
 — Тайö мый нө нин? Виль приказ?
 Төда, мукөдыс вывті азым,
 Гашкө-й сэтшөмыс тані эм?
 Туйтөм, ненога, стрөг приказыд
 Менсьым оз вөрзөд лы ни вем.
 Вынөй пуө на, эз на пактав,
 Көть и кисьті нин сизим пось.
 Қоркө стрөитлім нефтешахта —
 Мортыд удж вылад абу гөсть.
 Мыйыс эз вөвлы миян костын!
 Мусө розьөдлан — шырсьыс-шыр.
 Каръяс бур йөзкөд тшөтш ми восьтім:
 Қымын керка сэн! Қымын жыр!

Эг босът кывъяссö кыськö зептысь,
Абу кутшöмкö ылöгпоз.
Кöть и Войвылын уна нефтьысь,—
Он на гумлав тай ваёс моз...
...Вөрöг дугöдiс ассьыс лыйсьöм:
Весиг оз вöчлы дуб ни дэб.
Эз на дявöллөн чирссьы лы-сьöм!
Мыйкö миянысь оз-ö дзеб?
Мися, сiдзи да. Сiдзи-й вöлöм.
Войнас шыасис кыкнан фланг:
Миян тылланыö кык сён пöлөн
Пырис код тöдö кымын танк!
Мустöм гöсть кодъ жö шуштöм часыд,
Көрöм-чукöстöм оз тай ков.
Муртса серöссис букыд асыв,
Мышкын муралiс: «Меысь пов!»
Вомсö паськöдiс уклад клещи,
Видлас топöдны гөгöрбок.
Кытчöдз ловъяёсь, дзоньёсь ещё,
Сьöлöм, ас вылад эн босът шог!
Тулö Эжваным, Сыктыв тулö,
Мортöс оз венлы ытя ва.
Дi выв кöчьяс моз ог жö кулöй —
Эм öд партия! Эм Москва!
Эм и Рöдина! Сiйö эм на,
Мыччас миянлы вына ки:
Лёкысь кедзовтны некор нэмнас
Эз на сетчывлы сылөн пи.
Быдөн мурталö ёрта-ёртсö:
Могыс абу öд кыйкы ур.
Дзонь дивизия танi ёрччö,
Ставлөн петан туй корсьö юр...
Сутки суткиöс ньöжйö вежö,
Ылi муясö пышйис ун.
Тыртöм кынöмлөн тыртöм вежөр —

Оз тѳд некутшѳм сѳѳкыдлун.
 Миномѳтчикѳяс. Батарей.
 Ставѳн корсѳѳмны шондѳ сай.
 Мый оз лыйсѳыны? «Апогея»
 Талун минаяс эз нин вай.
 «Апогея» дай, конѳѳр-вѳлѳй,
 Тѳнѳ бурысь, дерт, он жѳ ви!
 Он тай тшыглунтѳ велѳд-ѳлѳд —
 Весиг тѳ вылѳ лыбас ки...
 Бытѳѳ бур юѳр вайис пѳтка,
 Гѳгѳр шыалѳс:— Орис кытш!
 Ставѳн ѳтпырѳѳ он на ѳѳткась,
 Он на чеччав зѳв — абу пытш.
 — Вѳвтѳ сѳйим ми.— Командирныс
 Гѳгѳр видзѳдлѳс. Вѳчны нем.—
 ѳнѳ гырddзатѳ ковмас ѳирны.—
 Сылѳн синкымыс лолѳс тшем...
 — Кыскам ас вылын миномѳтсѳ.
 Мѳд туй абу, дай оз и ло...
 Одер ѳѳз сайсянь петѳс ортсѳ:
 — Ноко, ѳртѳясѳй, видлам. Но!..
 Танѳ выль карѳяс, дерт, он восьты,
 Сѳмын зѳлѳдлѳс морѳс куд:
 Миномѳтыдлысь стволсѳ босѳтѳс,
 Сѳсся нѳбалѳс дзонь квайт пуд.
 Мед жѳ гѳрдитчѳ пинас парма!
 Татшѳм войтырыс, он кѳ торк,
 Коркѳ тѳчасны сѳтшѳм карѳяс —
 Весиг яналас Нью-Йорк...
 Помѳдз эз вермы стволсѳ нуны —
 Бѳр нин тупкыссис «коридор».
 — Кѳн нѳ, ылын-ѳ Ыджыд муным?..
 Эз нин вочавидз мортлы морт —
 Орччѳн жвачкысис враглѳн мина,
 Джѳмдѳс Одерлѳн веськыд кок.

Стволыс гыпкысис-уси дінас,
Мортыд казяліс — делё лёк.
Быттьо енэжыс вылас сёліс,
Гөгөр ёшиньтём кыптіс стен.
Бара ышмёма рытив тёлыс,
Быттьо шуалё: «Плен, плен, плен!..»
Рытиввывланьё төвзё поезд,—
Гөрд вагоньясё чунь оз төр,—
Йёзладорын нин киньяс койё,
Сёлём горөдлө: «Косөд бөр!»

Шуныгё Одер ю. Вёськодъ сылы,
Медтё кольёны лун да вой.
Код нё арталас нёрыс йылысь,
Қымын лөвтё сэн ловъя шой?
Крематорийлысь зывөк чадсё
Колё пөдтыны тэд и мем!
Му выв войтырыс тайё адсё
Кутас помнитны уна нэм.
Том полячкаяс-коньбраньяс!
Код нё сувтас тан тіян дор?
Эм-ё му вылын, дона аньяс,
Шойяс новлөмысь мустөмтор?
Өти ловъя шой йитліс кывъяс:

— Понийд... тешит... чис... эз и лый...

Сійёс кылісны польскөй нывъяс:

— Мый нө, сёшайтөй, шуин, мый?

— Қытысь лоан тэ? Нимыд кызди?

— Одер...— шөпнитіс кулысь морт.

Шойлысь лишнөй кыв он тай пыдзырт,

Шойлы, шулөмны, гу да горт.

Шензис медтом ныв асшыс ногөн:

— Эз жө казътышт өд Одер ю?

Сотны ог нуёй, нывъяс, огө!

Сылы татчө ми кодъям гу.

Нывъяс, со мый ме кӧсъя шуны,
Тӧдад? Одерыд — польскӧй ов..
Татчӧдз, Одерӧдз миян муным —
Зонлысь ас муас дзебам лов.
Кутшӧм лӧсьыдик зонмыс вӧлӧм,
Весиг кулӧмнас эз кув мич.
Кымын нывлысь нӧ дойдлӧн сьӧлӧм?
Жаль зэв — ог тӧдӧй ним ни вич..
Кӧть и вукӧдӧ йӧз му кӧрыд,
Кыптӧс йӧз муын гу выв нӧрыс.
Пиӧн шулӧсны мам и бать,
Лоин — тӧдмавтӧм роч салдат.
Эг ме, другъясӧй, траур пасътав.
Тадзи, лыддысьысь, мем эн шу.
Мирсӧ дорйыны став му пасъта
Корӧ миянӧс кымын гу!
Оз кут ыставны кыз му улӧ
Дона юӧръяс муса ныв.
Узь вай шы ни тӧв. Кыдзи-й шулӧн,
Тӧвсӧ пӧльтӧ нин асыввыв.
Позьӧ комиӧн, позьӧ рочӧн,
Любӧй кывйӧн кӧть талун сыв.
Став фронт пасътала:— Водзӧ, водзӧ!—
Ӧтмоз юралӧ ӧти кыв.
Быттьӧ ӧтпырйӧ ставыс вӧрзис:
Коми парма и кӧрт Урал.
Вына гыяссӧ босьтӧм сьӧрсыйс,
Локтӧм тышкасьны дзор Байкал.
Ыджыд вермӧмсӧ песьсӧ-дорӧ
Аслас укладысь сталевар.
Пывсян вӧдитысь врагӧс корӧ:
— Эн мун пывсьытӧг. Тырмас жар!
Вурсӧ вурсьысьлӧн пулемӧтыс,
Биа сунисыс сылӧн ӕн.
Недруг мыльк сайӧ дзебсис-водӧс:

Тэ пö лёка тай вурсян, зон!
Зырыйöн лёсьöдö «авансцена»
Рольсö вежöма том актёр.
Ставлöн рöдвужыс: тэнад, менам
Öнi вöчöны öтитор.
Позьö комиöн, рочöн позьö,
Любöй кывйöн көть талун сыв.
Став фронт пасьтала:— Водзö, водзö!—
Öтмоз юралö öти кыв.

Одер ю дорын Одер узьö:
Юкис шудлунсö тэд и мем.
Сылöн кулöмыс, кызди шусьö,
Му выв олöмын олас нэм.
Сэтшöм войтырöс миян пиысь,
Чайта, коньөрöн морт оз шу.
Кодъяс сотчисны ыджыд биын,
Налы копрасьö чужан му.

ГИЖОД НИМЪЯС

Морӧс тырӧн лолав, парма	3
Куима кодзув	5
Съездъяслӧн дворецын	6
Ленинлы памятник	8
Ас му йылысь	13
Оз косьӧ пыр	15
Кольӧм волы	16
Спутникъяс	17
Мыйӧн ми вынаӧсь	19
Мед ылі кодзулӧдз	21
Выль эралӧн первой лун	22
Кывбурлы	24
Унджык бур вӧчны горшась	25
Отсӧг	26
Строй бӧрся восьлаліс комбат	27
Эжва дорӧ бара лэччи	28
Мудзлан, бой бӧрын ӧшӧдлан юртӧ	29
Сиктӧ воисны нель зон	30
✓ Кияс йылысь	32
Тувсовъя	33
Шоныд зэр	34
Ещӧ Тарас йылысь	36
Кывзы, гожӧм-гожӧмӧй	39
Недель нӧрыс йылын	41
Паметьыс бур	43
Шондікӧд сёрни	44
Ӧнія элегия (поэма)	49



9 коп.

КОМИ КНИЖНОЕ ИЗДАТЕЛЬСТВО 1965